

**ХАРААТ БУС АУДИТОРЫН ТАЙЛАН**

Түмэн Шувуут ХК-ийн Хувьцаа эзэмшигчид танаа,

**Нэгтгэсэн санхүүгийн тайлангийн аудитын тайлан****Дүгнэлт**

Бид Түмэн Шувуут ХК болон түүний охин компаниуд (хамтад нь "Групп" гэх)-ийн 2023 оны 12-р сарын 31-ний өдрөөр тасалбар болгосон нэгтгэсэн санхүүгийн байдлын тайлан, нэгтгэсэн дэлгэрэнгүй орлогын тайлан, нэгтгэсэн өмчийн өөрчлөлтийн тайлан, нэгтгэсэн мөнгөн гүйлгээний тайлан болон нягтлан бодох бүртгэлийн бодлого, тайлбар тодруулгуудаас бүрдсэн нэгтгэсэн санхүүгийн тайланд аудит хийлээ.

Бид, Группийн 2023 оны 12 дугаар сарын 31-ний нэгтгэсэн санхүүгийн байдал, уг өдрөөр тасалбар болгосон нэгтгэсэн санхүүгийн үр дүн болон нэгтгэсэн мөнгөн гүйлгээг бүх материаллаг зүйлсийн хувьд Санхүүгийн Тайлагналын Олон Улсын Стандарт (цаашид "СТОУС" гэх)-ын дагуу үнэн, шударгаар илэрхийлж байна гэж дүгнэж байна.

**Дүгнэлтийн үндэслэл**

Бид аудитаа Аудитын Олон Улсын Стандарт (цаашид "АОУС" гэх)-ын дагуу гүйцэтгэсэн болно. Уг стандартуудын дагуу бидний хүлээх үүргийг энэхүү тайлангийн Нэгтгэсэн Санхүүгийн Тайлангийн Аудиттай холбоотой Аудиторын Үүрэг хэсэгт тусгасан. Бид Нягтлан Бодогчдын Ёс Зүйн Олон Улсын Стандартын Зөвлөлөөс баталсан Мэргэжлийн нягтлан бодогчдын ёс зүйн дүрэм (цаашид "НБЁЗОУС3-ын дүрэм" гэх)-ийн дагуу Группээс хараат бус ба НБЁЗОУС3-ын дүрмийн дагуу бусад ёс зүйн үүрэг хариуцлагаа бүрэн биелүүлсэн болно. Бидний олж авсан аудитын нотолгоо нь аудитын дүгнэлт гаргах хангалттай бөгөөд зохистой үндэслэл болно гэж итгэж байна.

**Аудитын гол асуудал**

Бидний мэргэжлийн үнэлэмжээр Аудитын гол асуудал нь тайлант жилийн нэгтгэсэн санхүүгийн тайлангийн аудитад хамгийн ач холбогдолтой, нөлөө бүхий асуудал юм. Нэгтгэсэн санхүүгийн тайланд хийсэн аудитынхаа хүрээнд эдгээр асуудлуудыг нэгтгэсэн байдлаар авч үзсэн ба дүгнэлт гаргахдаа эдгээр асуудал бүрт тусад нь дүгнэлт гаргаагүй болно. Бид дараах асуудлыг гол асуудал гэж тодорхойлсон.

**Аудитын гол асуудлууд****Бидний гүйцэтгэсэн аудитын горимууд****Биологийн хөрөнгийн үнэлгээ**

СТОУС-ын дагуу биологийн хөрөнгийг борлуулалтын зардлыг хасч тооцсон бодит үнэ цэнээр нь хэмжиж, тайлагнахыг шаарддаг хэдий ч Группийн биологийн хөрөнгийн хувьд бодит үнэ цэнийг нь тодорхойлох идэвхтэй зах зээл, харьцуулах мэдээлэл байхгүй тул Группийн биологийн хөрөнгийг хуримтлагдсан хорогдол болон үнэ цэнийн бууралтыг хассан өртгөөр нь хэмжсэн. Хорогдуулгын түвшинг тухайн биологийн хөрөнгөөс хөдөө аж ахуйн бүтээгдэхүүн хүлээн авах хугацааг үндэслэн тооцоолж, шулуун шугамын аргаар хорогдуулдаг.

2023 оны 12-р сарын 31-нээрх нэгтгэсэн санхүүгийн байдлын тайланд 4,781,161 мянган төгрөг (2022 оны 12-р сарын 31: 3,651,258 мянган төгрөг)-ийн биологийн хөрөнгө тусгагдсан. Нэгтгэсэн санхүүгийн тайлангийн Тодруулга 13-г үзнэ үү.

Биологийн хөрөнгийн үнэлгээтэй холбоотой бидний гүйцэтгэсэн горимууд:

- Биологийн хөрөнгийн үнэлгээг тодорхойлох дотоод процессын талаар ойлголт олж авч, холбогдох хяналтын үр ашигтай байдлыг үнэлсэн;
- 2023 оны 12-р сарын 31-нээрх биологийн хөрөнгийн хувьд түүврийн аргаар холбогдох өртгийг анхан шатны баримт руу шалгасан;
- Биологийн хөрөнгийн үнэлгээг тодорхойлоход ашигласан удирдлагын гол таамаглалын талаар удирдлагаас тайлбар авсан;
- Биологийн хөрөнгийн хорогдлын түвшинг тодорхойлсон удирдлагын тооцоолол болон үнэлэмжийн зохистой байдлыг үнэлсэн;
- Биологийн хөрөнгөтэй холбоотой нэгтгэсэн санхүүгийн тайлангийн тодруулгын бүрэн зөв, зохистой байдлыг үнэлсэн.

Onch & Company тухай

Onch & Company нь Монгол Улсын Оюуны өмчийн газарт бүртгэлтэй барааны тэмдэг юм. Энэхүү тэмдэгийг Онч Аудит ХХК, Онч Зөвлөх үйлчилгээ ХХК, Онч Татварын Зөвлөх үйлчилгээ ТМЗ ХХК-иуд ашиглах эрхтэй бөгөөд тэдгээр нь аудит, эрсдэлийн удирдлага, татвар болон хуулийн зөвлөгөө, консалтинг болон санхүүгийн зөвлөгөө зэрэг мэргэжлийн үйлчилгээг Монголын харилцагчдад үзүүлдэг байгууллагууд юм.

© 2024. Нэмэлт мэдээлэл авахыг хүсвэл Onch & Company-тай холбогдоно уу.



## **Бусад мэдээлэл**

Группийн удирдлага нь бусад мэдээллийн талаар үүрэг хүлээнэ. Бусад мэдээлэлд захирлууд ба гүйцэтгэх удирдлагын мэдэгдэлд агуулагдсан мэдээллүүд орох бөгөөд нэгтгэсэн санхүүгийн тайлан болон энэхүү аудиторын дүгнэлт орохгүй. Энэхүү нэгтгэсэн санхүүгийн тайланд өгсөн манай аудиторын дүгнэлт нь бусад мэдээллийг хамраагүй бөгөөд бид бусад мэдээлэлд ямар нэгэн дүгнэлт өгөхгүй.

Нэгтгэсэн санхүүгийн тайлангийн аудиттай холбоотойгоор бид бусад мэдээллийг унших үүрэгтэй бөгөөд бусад мэдээлэл нь нэгтгэсэн санхүүгийн тайлан эсвэл аудитын ажлын хүрээнд олж мэдсэн мэдээллээс материаллагаар зөрүүтэй эсвэл зөрүүтэй мэт харагдаж байгаа эсэхийг авч үзэх ёстой. Хэрэв бид хийсэн ажил дээрээ үндэслэн бусад мэдээлэл нь материаллаг алдаатай байна гэж үзвэл бодит мэдээллийг тайлагнах үүрэгтэй. Үүнтэй холбоотойгоор ямар нэгэн тайлагнах зүйл байгаагүй болно.

## **Нэгтгэсэн Санхүүгийн Тайлантай холбоотой Удирдлага болон Засаглах Эрх Бүхий Этгээдийн Үүрэг**

Удирдлага нь нэгтгэсэн санхүүгийн тайлангаа СТОУС-ын дагуу бэлтгэн шударгаар илэрхийлэх, эдгээр нэгтгэсэн санхүүгийн тайланг алдаа эсвэл санаатай зальт үйлдлээс үүсэлтэй материаллаг хэмжээний алдаагүйгээр бэлтгэж, шударгаар илэрхийлэхийн тулд удирдлагаас шаардлагатай гэж тогтоосон дотоод хяналтыг хэрэгжүүлэх үүрэгтэй.

Удирдлага санхүүгийн тайланг бэлтгэх үедээ Группийн үйл ажиллагаагаа тасралтгүй явуулах чадамжийг үнэлэх, уг чадамжид нөлөөлөхүйц нөхцөл байдлын талаар шаардлагатай үед тодруулах болон Группийг татан буулгах, үйл ажиллагааг нь зогсоох, эсвэл үүнээс өөр боломжит сонголт байхгүй байхаас бусад тохиолдолд нягтлан бодох бүртгэлийн тасралтгүй байх суурийг ашиглан санхүүгийн тайлангаа бэлтгэх үүрэгтэй.

Засаглах эрх бүхий этгээд нь Группийн санхүүгийн тайлагналын үйл явцад хяналт тавих үүрэгтэй.

## **Нэгтгэсэн Санхүүгийн Тайлангийн Аудиттай холбоотой Аудиторын Үүрэг**

Нэгтгэсэн санхүүгийн тайлан нь бүхэлдээ алдаа эсвэл санаатай зальт үйлдлийн улмаас материаллаг хэмжээний алдаагүй илэрхийлэгдсэн эсэх талаар үл үндэслэлтэй нотолгоо олж авах болон бидний дүгнэлтийг агуулсан аудиторын тайланг гарган гэрээт ажлын гэрээнд заасан эрх бүхий этгээд болох та бүхэнд хүргүүлэх нь бидний зорилго юм. Энэхүү тайлангийн агуулгын хүрээнд бид аливаа бусад этгээдийн өмнө ямар нэг хариуцлага хүлээхгүй болно. Үл үндэслэлтэй нотолгоо гэдэг нь өндөр түвшний нотолгоо боловч АОУС-ын дагуу хийгдсэн аудит нь байнга материаллаг хэмжээний алдааг илрүүлдэг гэсэн баталгаа болохгүй. Алдаатай илэрхийлэл нь алдаа эсвэл санаатай зальт үйлдлээс үүсч болох ба дангаараа эсвэл нийтдээ эдгээр нэгтгэсэн санхүүгийн тайланд үндэслэн шийдвэр гаргах нэгтгэсэн санхүүгийн тайлангийн хэрэглэгчдийн эдийн засгийн шийдвэрт нөлөөлөх магадлалтай бол материаллаг гэж үздэг.

АОУС-ын дагуу аудитын нэг хэсэг болгож, бид аудитын туршид мэргэжлийн үнэлэмж болон үл итгэх үзлийг баримталсан болно. Мөн түүнчлэн:

- Залилан болон алдаанаас үүсч болохуйц нэгтгэсэн санхүүгийн тайлангийн материаллаг буруу илэрхийлэгдэх эрсдэлийг тодорхойлон үнэлж, уг эрсдэлүүдэд тохирох аудитын горимуудыг боловсруулан гүйцэтгэж, аудитын дүгнэлтийн үндэслэл болоход хангалттай болон зохистой аудитын баримт, нотолгоог олж авна. Залилангаас үүссэн материаллаг буруу илэрхийллийг илрүүлэхгүй байх эрсдэл нь алдаанаас үүссэн материаллаг буруу илэрхийллийг илрүүлэхгүй байх эрсдлээс өндөр байдаг. Учир нь залилан нь үгсэн тохирох, хуурамчаар үйлдэх, санаатай орхигдуулах, худал батламж гаргах болон дотоод хяналтыг зөрчих зэрэг явдлуудаас үүссэн байх магадлалтай байдаг.
- Бид Группийн дотоод хяналтын үр дүнтэй байдалд дүгнэлт өгөх зорилгоор бус зөвхөн нөхцөл байдалд тохирох аудитын горимуудыг сонгох зорилгоор дотоод хяналтуудыг судалдаг.
- Нягтлан бодох бүртгэлийн бодлогын зохистой байдал болон удирдлагын бэлтгэсэн нягтлан бодох бүртгэлийн тооцоолол болон холбогдох тодруулгуудын зохистой байдлыг үнэлдэг.

**Нэгтгэсэн Санхүүгийн Тайлангийн Аудиттай холбоотой Аудиторын Үүрэг (үргэлжлэл)**

- Нягтлан бодох бүртгэлийн тасралтгүй байх зарчмыг удирдлага зохистой хэрэглэсэн эсэх, олж авсан аудитын нотолгоонд үндэслэн тасралтгүй байх нөхцлийг үргэлжлүүлэн хангах Группийн чадварт мэдэгдэхүйц эргэлзээ үүсгэхүйц үйл явдал болон материаллаг тодорхой бус байдал үүссэн эсэхийг үнэлдэг. Хэрэв бид материаллаг хэмжээний тодорхой бус байдал байгаа гэж үзвэл нэгтгэсэн санхүүгийн тайлангийн холбогдох тодруулгыг аудиторын дүгнэлтэнд тусгаж анхааруулах, мөн тэдгээр тодруулгууд нь зохистой биш гэж үзсэн тохиолдолд бид дүгнэлтээ өөрчлөх шаардлагатай байдаг. Бид дүгнэлтээ аудиторын тайлангийн өдөр хүртэлх олж авсан аудитын нотлох баримтан дээр үндэслэн гаргадаг. Тиймээс ирээдүйд болох үйл явдал эсвэл нөхцөл байдал нь Групп үйл ажиллагаагаа тасралтгүй үргэлжлүүлэхэд саад учруулж болох юм.
- Нэгтгэсэн санхүүгийн тайлангийн ерөнхий толилуулга, бүтэц, агуулгыг бүхэлд нь үнэлдэг ба ажил гүйлгээ, үйл явдлуудыг санхүүгийн тайланд үнэн зөв тодруулах шаардлагыг хангахуйц байдлаар толилуулсан эсэхийг үнэлдэг.
- Нэгтгэсэн санхүүгийн санхүүгийн тайланд дүгнэлт өгөхийн тулд Группийн доторх компаниуд болон бизнесийн үйл ажиллагаа болон санхүүгийн мэдээллийн талаарх зохистой аудитын нотолгоо олж авсан. Бид нэгтгэсэн санхүүгийн тайлангийн аудитын гүйцэтгэл болон түүнийг удирдан зохион байгуулахтай холбоотой үүргийг хүлээдэг. Мөн бид өөрсдийн аудитын дүгнэлтийн талаар үүрэг хүлээдэг.

Аудитор нь засаглах эрх бүхий этгээдтэй зөвхөн аудитын ажлын цар хүрээ, цаг хугацаа болон аудитын явцад илэрсэн ач холбогдол бүхий асуудлуудын талаар мэдээлдэг ба үүнд аудитын үеэр аудиторын илрүүлсэн дотоод хяналтын томоохон алдаа болон дутагдал орно.

*Onch Audit ХХК*  
Онч Аудит ХХК  
Монгол улс, Улаанбаатар хот  
2024 оны 4-р сарын 9

*Б. Анхтайван*  
Б. Анхтайван  
Партнер, МНБ





**ТҮМЭН ШУВУУТ ХК БА ТҮҮНИЙ ОХИН КОМПАНИ**  
**НЭГТГЭСЭН САНХҮҮГИЙН БАЙДЛЫН ТАЙЛАН**  
**2023 ОНЫ 12-Р САРЫН 31**  
**(МЯНГАН ТӨГРӨГӨӨР)**

	Тодруулга	2023	2022
<b>Хөрөнгө</b>			
<i>Эргэлтийн хөрөнгө</i>			
Мөнгө ба түүнтэй адилтгах хөрөнгө	6	1,450,661	624,651
Дансны ба бусад авлага	7	5,997,851	4,011,655
Урьдчилгаа төлбөр	8	4,490,059	1,361,682
Бараа материал	9	6,520,445	6,046,094
Биологийн хөрөнгө	13.1	2,893,041	2,260,048
		<b>21,352,057</b>	<b>14,304,130</b>
<i>Эргэлтийн бус хөрөнгө</i>			
Үндсэн хөрөнгө	11	43,847,074	35,761,063
Биет бус хөрөнгө	12	534,033	363,842
Биологийн хөрөнгө	13.2	1,888,120	1,391,210
		<b>46,269,227</b>	<b>37,516,115</b>
<b>Нийт хөрөнгө</b>		<b>67,621,284</b>	<b>51,820,245</b>
<b>Өр төлбөр ба эзэмшигчдийн өмч</b>			
<i>Богино хугацаат өр төлбөр</i>			
Дансны ба бусад өглөг	15	4,368,909	3,485,360
Гэрээний өр төлбөр	16	46,266	90,099
Орлогын албан татварын өглөг	21.2	1,282,263	637,176
Богино хугацаат зээл	17	4,080,366	5,465,291
		<b>9,777,804</b>	<b>9,677,926</b>
<i>Урт хугацаат өр төлбөр</i>			
Урт хугацаат зээл	17	14,372,649	7,902,469
		<b>14,372,649</b>	<b>7,902,469</b>
<b>Нийт өр төлбөр</b>		<b>24,150,453</b>	<b>17,580,395</b>
Хувьцаат капитал	18	4,000,000	4,000,000
Нэмж төлөгдсөн капитал	19	8,007,687	8,007,687
Хуримтлагдсан ашиг		31,812,452	22,574,178
		<b>43,820,139</b>	<b>34,581,865</b>
<i>Хяналтын эрхгүй хувь оролцоонд ногдох өмч</i>	20	<b>(349,308)</b>	<b>(342,015)</b>
<b>Нийт өр төлбөр ба Эзэмшигчдийн өмч</b>		<b>67,621,284</b>	<b>51,820,245</b>

Эдгээр нэгтгэсэн санхүүгийн тайланг холбогдох тодруулгын хамтаар уншина уу.

**ТҮМЭН ШУВУУТ ХК БА ТҮҮНИЙ ОХИН КОМПАНИ  
НЭГТГЭСЭН ДЭЛГЭРЭНГҮЙ ОРЛОГЫН ТАЙЛАН  
12-Р САРЫН 31-НЭЭР ТАСАЛБАР БОЛГОСОН 2023 ОН  
(МЯНГАН ТӨГРӨГӨӨР)**

	Тодруулга	2023	2022
Борлуулалтын орлого	22.1	63,812,887	46,321,708
Борлуулалтын өртөг	22.2	(59,094,410)	(43,108,420)
Нийт ашиг		<b>4,718,477</b>	<b>3,213,288</b>
Хөдөө аж ахуйн бүтэгдэхүүний анхны хүлээн зөвшөөрөлтөөс үүссэн бодит үнэ цэнийн олз	23	16,639,648	10,079,684
Бусад орлого		66,892	9,758
Санхүүгийн зардал	17.2	(1,003,175)	(700,186)
Борлуулалт ба ерөнхий удирдлагын зардал	24	(6,473,408)	(5,066,891)
Бусад олз ба (гарз)	25	(71,240)	(1,014,486)
<b>Татварын өмнөх ашиг</b>		<b>13,877,194</b>	<b>6,521,167</b>
Орлогын татварын зардал	21	(2,506,200)	(1,142,323)
<b>Тайлант жилийн цэвэр ашиг</b>		<b>11,370,994</b>	<b>5,378,844</b>
Бусад дэлгэрэнгүй орлого		-	-
<b>Нийт дэлгэрэнгүй орлого</b>		<b>11,370,994</b>	<b>5,378,844</b>
Группийн эздэд ногдох хэсэг		11,378,287	5,558,711
Хяналтын эрхгүй хувь оролцоонд ногдох хэсэг	20	(7,293)	(179,867)
		<b>11,370,994</b>	<b>5,378,844</b>
<b>Нэгж хувьцаанд ногдох ашиг</b>		<b>56.85</b>	<b>26.89</b>

Эдгээр нэгтгэсэн санхүүгийн тайланг холбогдох тодруулгын хамтаар уншина уу.

**ТҮМЭН ШУВУУТ ХК БА ТҮҮНИЙ ОХИН КОМПАНИ  
НЭГТГЭСЭН ӨМЧИЙН ӨӨРЧЛӨЛТИЙН ТАЙЛАН  
12-Р САРЫН 31-НЭЭР ТАСАЛБАР БОЛГОСОН 2023 ОН  
(МЯНГАН ТӨГРӨГӨӨР)**

	<b>Хувьцаат капитал</b>	<b>Нэмж төлөгдсөн капитал</b>	<b>Хуримтлагдсан ашиг</b>	<b>Нийт</b>	<b>Хяналтын эрхгүй хувь оролцоо</b>	<b>Нийт өмч</b>
<b>2021 оны 12 сарын 31-ний үлдэгдэл</b>	<b>4,000,000</b>	<b>8,007,687</b>	<b>19,095,795</b>	<b>31,103,482</b>	<b>(162,148)</b>	<b>30,941,334</b>
Тайлант жилийн цэвэр ашиг	-	-	5,558,711	5,558,711	(179,867)	<b>5,378,844</b>
Зарласан ногдол ашиг (Тодруулга 18)	-	-	(2,080,328)	(2,080,328)	-	<b>(2,080,328)</b>
<b>2022 оны 12 сарын 31-ний үлдэгдэл</b>	<b>4,000,000</b>	<b>8,007,687</b>	<b>22,574,178</b>	<b>34,581,865</b>	<b>(342,015)</b>	<b>34,239,850</b>
Тайлант жилийн цэвэр ашиг	-	-	11,378,287	11,378,287	(7,293)	<b>11,370,994</b>
Зарласан ногдол ашиг (Тодруулга 18)	-	-	(2,140,013)	(2,140,013)	-	<b>(2,140,013)</b>
<b>2023 оны 12 сарын 31-ний үлдэгдэл</b>	<b>4,000,000</b>	<b>8,007,687</b>	<b>31,812,452</b>	<b>43,820,139</b>	<b>(349,308)</b>	<b>43,470,831</b>

Эдгээр нэгтгэсэн санхүүгийн тайланг холбогдох тодруулгын хамтаар уншина уу.

**ТҮМЭН ШУВУУТ ХК БА ТҮҮНИЙ ОХИН КОМПАНИ  
НЭГТГЭСЭН МӨНГӨН ГҮЙЛГЭЭНИЙ ТАЙЛАН  
12-Р САРЫН 31-НЭЭР ТАСАЛБАР БОЛГОСОН 2023 ОН  
(МЯНГАН ТӨГРӨГӨӨР)**

	Тодруулга	2023	2022
<b>Тайлант жилийн татварын өмнөх ашиг</b>		<b>13,877,194</b>	<b>6,521,167</b>
Тохируулгууд:			
Үндсэн хөрөнгийн элэгдэл	11	3,051,568	2,355,602
Биет бус хөрөнгийн хорогдол	12	16,949	30,248
Биологийн хөрөнгийн хорогдол	13	4,456,929	3,936,330
Гадаад валютын ханшийн өөрчлөлтийн олз		(119,587)	(18,807)
Үндсэн хөрөнгө данснаас хассаны (олз)/гарз	25	54,985	(15,837)
Гүүдвиллийн үнэ цэнийн бууралтын алдагдал	25	-	788,418
Бараа материал данснаас хассаны зардал	24	262,136	259,725
Хүүгийн зардал	17.2	1,003,175	700,186
		<b>22,603,349</b>	<b>14,557,032</b>
Дансны ба бусад авлагын өсөлт		(1,986,196)	(2,117,975)
Урьдчилгаа төлбөрийн (өсөлт)/бууралт		(3,128,377)	1,654,075
Бараа материалын (өсөлт)/бууралт		(499,786)	1,783,116
Дансны ба бусад өглөгийн өсөлт		60,242	1,150,575
Гэрээний өр төлбөрийн (бууралт)/өсөлт		(43,833)	37,234
		<b>17,005,399</b>	<b>17,064,057</b>
Төлсөн орлогын татвар	21.2	(1,861,113)	(1,005,954)
<b>Үндсэн үйл ажиллагааны цэвэр мөнгөн гүйлгээ</b>		<b>15,144,286</b>	<b>16,058,103</b>
<b>Хөрөнгө оруулалтын үйл ажиллагааны мөнгөн гүйлгээ</b>			
Худалдан авсан үндсэн хөрөнгө		(11,236,426)	(9,805,244)
Худалдан авсан биологийн хөрөнгө	13.2	(5,823,534)	(4,599,605)
Худалдан авсан биет бус хөрөнгө	12	(187,140)	-
Үндсэн хөрөнгө худалдан борлуулснаас орж ирсэн мөнгө		280,000	92,172
<b>Хөрөнгө оруулалтын үйл ажиллагааны цэвэр мөнгөн гүйлгээ</b>		<b>(16,967,100)</b>	<b>(14,312,677)</b>
<b>Санхүүгийн үйл ажиллагааны мөнгөн гүйлгээ</b>			
Авсан зээл	17.2	15,540,000	4,000,000
Төлсөн зээл	17.2	(10,548,157)	(5,956,083)
Хувьцаа эзэмшигчээс авсан санхүүжилт	26.2	190,000	412,000
Хувьцаа эзэмшигчээс авсан санхүүжилтээс төлсөн	26.2	(15,000)	(352,550)
Хүүгийн төлбөр	17.2	(1,150,074)	(931,436)
Төлсөн ногдол ашиг	26.2	(1,367,945)	(1,654,364)
<b>Санхүүгийн үйл ажиллагааны цэвэр мөнгөн гүйлгээ</b>		<b>2,648,824</b>	<b>(4,482,433)</b>
Мөнгөний үлдэгдэл дэх ханшийн зөрүүгийн нөлөөлөл		-	13,191
<b>Мөнгөн хөрөнгийн өсөлт/(бууралт)</b>		<b>826,010</b>	<b>(2,723,816)</b>
<b>Мөнгөн хөрөнгийн эхний үлдэгдэл</b>		<b>624,651</b>	<b>3,348,467</b>
<b>Мөнгөн хөрөнгийн эцсийн үлдэгдэл</b>	6	<b>1,450,661</b>	<b>624,651</b>

Эдгээр нэгтгэсэн санхүүгийн тайланг холбогдох тодруулгын хамтаар уншина уу.